

JAVNO PREDUZEĆE „KOMUNALNO“ D.O.O. BREZA

ZAVNOBIH-A BR.6 71370 BREZA

Broj:05-3050-8/22

Breza, 08.12.2022. godine

Na osnovu člana 69.stav (2) tačka d), člana 70 i člana 100. stav (3) Zakona o javnim nabavkama Bosne i Hercegovine („Sl. glasnik BiH“, broj: 39/14), rješavajući po žalbi ponuđača „Penny plus“ d.o.o. Sarajevo izjavljenoj na Odluku o izboru najpovoljnijeg ponuđača broj 05-3050-6/22 od 28.11.2022. godine u postupku javne nabavke - „Unaprijeđenje komunalne infrastrukture kroz nabavku HDPE kanti za selektivno prikupljanje/odlaganje otpada kapaciteta 120 l, v.d. direktor, donosi

ODLUKU

o usvajanju žalbe ponuđača i poništenju postupka javne nabavke - „Unaprijeđenje komunalne infrastrukture kroz nabavku HDPE kanti za selektivno prikupljanje/odlaganje otpada kapaciteta 120 l

Član 1.

Usvaja se žalba ponuđača „Penny plus“ d.o.o. Sarajevo, ul. Igmanska bb 71320 Vogošća, na odluku o izboru najpovoljnijeg ponuđača broj 05-3050-6/22 od 28.11.2022. godine u Konkurentskom postupku za javnu nabavku - „Unaprijeđenje komunalne infrastrukture kroz nabavku HDPE kanti za selektivno prikupljanje/odlaganje otpada kapaciteta 120 l, kao djelimično osnovana.

Član 2.

Ovom odlukom poništava se Odluka o izboru najpovoljnijeg ponuđača broj 05-3050-6/22 od 28.11.2022. godine za javnu nabavku - „Unaprijeđenje komunalne infrastrukture kroz nabavku HDPE kanti za selektivno prikupljanje/odlaganje otpada kapaciteta 120 l.

Član 3.

Odluka stupa na snagu danom donošenja i ista će biti dostavljena svim ponuđačima koji su učestvovali u postupku javne nabavke, te će se objaviti na internet stranici <http://jpkbreza.com/> u skladu sa članom 70. stav 6. Zakona o javnim nabavkama BiH („Sl. glasnik BiH“, broj: 39/14).

O b r a z l o ž e n j e:

U skladu sa članom 88. Zakona o javnim nabavkama predviđena je javna nabavka - „Unaprijeđenje komunalne infrastrukture kroz nabavku HDPE kanti za selektivno prikupljanje/odlaganje otpada kapaciteta 120 l.

Postupak je pokrenut Obavještenjem o nabavci broj: 2818-7-1-174-3-17/22 koje je objavljeno na Portalu javnih nabavki od 04.11.2022. godine kao i poziv potencijalnim ponuđačima da je pokrenut postupak te da im je tenderska prijavila su se 3 (tri) ponuđača i to: „EZIO INOX“ d.o.o. Ilijaš, „T&A AUTO“ d.o.o. Visoko i „PENNY plus“ d.o.o. Sarajevo.

Zapisnik o pregledu i ocjeni ponuda sa predviđenom e-aukcijom broj: 05-3050-4-1/22 od 28.11.2022. godine, a uvidom u priloženu dokumentaciju Komisija je utvrdila da tri ponuđača ispunjavaju formalno – pravne, ekonomske i tehničke uslove, odnosno zahtjeve ugovornog organa i to „EZIO INOX“ d.o.o. Ilijaš, „T&A AUTO“ d.o.o. Visoko i „PENNY plus“ d.o.o. Sarajevo.

Nakon provedenog postupka e-aukcije za predmetnu nabavku donesena je Odluka o rezultatima končanog postupka javne nabavke i izboru najpovoljnijeg ponuđača, kojom je prvoplasirana i

najpovoljnija ponuda ponuđača „EZIO INOX“ d.o.o. Ilijaš sa ukupnom cijenom od 21.570,00 bez PDV-a.

Nakon dostavljenog Obavještenja o rezultatima postupka nabavke broj: 2818-7-1-174/22 od 24.11.2022. godine i Odluke o rezultatima okončanog postupka javne nabavke i izboru najpovoljnijeg ponuđača broj: 05-3050-6/22 od 28.11.2022. godine prema učesnicima u postupku, ponuđač „PENNY plus“ d.o.o. Sarajevo je u zakonskom roku putem elektronske pošte (e-mail) podnio je Zahtjev za uvid u blagovremeno pristigle ponude, broj 11/29-I od 29.11.2022. godine gdje je ugovorni organ po predmetnom postupku Obavještenjem broj 05-3050-7/22 od 30.11.2022 godine, žalioocu „PENNY plus“ d.o.o. Sarajevo, u skladu s članom 11. stav (5), Zakona o javnim nabavkama (Službeni glasnik BiH, broj 39/14, dozvolio uvid (kopiranje ili fotografisanje) u blagovremeno pristigle ponude za javnu nabavku roba uključujući i dokumente podnesene u skladu s članom 45. stav (2) ZJN BiH u postupku - „Unaprijeđenje komunalne infrastrukture kroz nabavku HDPE kanti za selektivno prikupljanje/odlaganje otpada kapaciteta 120 l“.

Razmatrajući žalbu Ugovorni organ je utvrdio da je ista blagovremena, dopuštena i izjavljena od strane ovlaštenog lica, razmotreni su svi navodi iz žalbe, izvršen uvid u kompletnu dokumentaciju te izvršena ponovna analiza dokaza, a u odnosu na navode iz žalbe i propisani zakonski postupak, te utvrdio da je žalba djelimično osnovana.

Žalitelj smatra da ponude ponuđača „EZIO INOX“ d.o.o. Ilijaš i „T&A AUTO“ d.o.o. Visoko nisu zadovoljile sve uslove tražene tenderskom dokumentacijom, te se kao takve nisu mogle kvalifikovati za postupak e-aukcije.

ŽALBENI NAVODI NA PONUDU PONUĐAČA „EZIO INOX“ D.O.O. ILIJAŠ

Žalitelj osporava Odluku o izboru najpovoljnijeg ponuđača za javnu nabavku roba- „Unaprijeđenje komunalne infrastrukture kroz nabavku HDPE kanti za selektivno prikupljanje/odlaganje otpada kapaciteta 120l“ broj: 05-3050-6/22 od 28.11.2022.godine iz razloga što ponude ponuđača „EZIO INOX“ d.o.o. Ilijaš i T&A AUTO“ d.o.o. Visoko nisu dostavljene u skladu sa zahtjevima iz tenderske dokumentacije i to kako slijedi:

„Žalitelj ističe da ponuđač „„EZIO INOX“ d.o.o. Ilijaš kao izabrani ponuđač nema aktivnu legitimaciju, obzirom da se prednje navedeni ponuđač ne bavi predmetnom nabavkom, već se bavi kako slijedi „Ezio Inox“ d.o.o. tvrtka koju su osnivali talijanski partneri koji koriste talijansku tehnologiju za proizvodnju spremnika od nehrđajućeg čelika za skladištenje tekućih namirnica“.

Navod iz žalbe nije osnovan, iz razloga što Ponuđač „Ezio inox“ d.o.o. Visoko je u svojoj ponudi dostavio ovjeren Aktuelni izvod iz sudskog registra br. 065-0-RegZ-22-010873 od 17.10.2022. godine, izdate od Općinskog suda u Sarajevu u kojoj su navedene sve djelatnosti subjekta upisa - u unutrašnjem prometu koje obuhvataju i različite vrste Trgovine na veliko i malo.

Na osnovu navedenog ovaj dio žalbe se smatra neosnovanim.

Dalje Ponuđač „Penny plus“ d.o.o. Sarajevo u svojoj žalbi navodi da Ponuđač „EZIO INOX“ d.o.o. Ilijaš nije dostavio ponudu u skladu sa zahtjevanim predmetom javne nabavke.

„Naime član 45. nije upisan naziv javne nabavke, te je umjesto pravnog naziva „Unaprijeđenje komunalne infrastrukture kroz nabavku HDPE kanti za selektivno prikupljanje/odlaganje

kapaciteta 120 l" u Konkurentskom zahtjevu, u Aneksu 1. naveo „Abroll Kontejnera“ broj obavještenja: 2818-7-1-168 -3-17/22, ispravan broj obavještenja 2818-7-1-174-3-17/22“.

Iz gore navedenih Navoda žalbe ponuđača „Penny plus“ d.o.o. Sarajevo, vidno je da ponuđač „EZIO INOX“ d.o.o. Ilijaš u Aneksu 1. Izjave iz člana 45. Zakona o javnim nabavkama, neispravna te da se odnosi na drugi postupak javne nabavke.

Na osnovu navedenog ovaj dio žalbe se smatra osnovanom.

- Dalje u svojoj žalbi podnosilac žalbe navodi:

„Član 52 isto nije popunjen ispravno, u dijelu upisivanja tačnog naziva javne nabavke Ugovorni organ je morao diskvalifikovati ponuđača jer nije dostavio ponudu u skladu sa zahtjevanim predmetom javne nabavkom.“

Ugovorni organ uvidom u ponudu ponuđača „EZIO INOX“ d.o.o. Ilijaš, ne osporava žalbu u dijelu upisivanja tačnog naziva javne nabavke, jer ponuđač nije upisao tačan naziv u skladu sa zahtjevanim predmetom javne nabavke.

Dalje podnosilac žalbe navodi:

„U dostavljenom aktuelnom izvodu sudskog registra, lice ovlašteno za zastupanje subjekta je Alihodžić Sejad, bez ograničenja ovlaštenja. Čitavu ponudu je izjavio i potpisao Nihad Bešlija, bez dostavljene ispravne punomoći da je isti ovlašten od strane odgovornog lica da može dati izjavu, isti je ovlašten da može samo potpisati u ime direktora. te ga je ugovorno organ mora diskvalifikovati iz daljnjeg učešća.“

Uvidom u postupak navod iz žalbe nije osnovan, iz razloga što je Ponuđač „EZIO INOX“ d.o.o. Ilijaš dostavio u aktuelnom izvodu iz sudskog registra, lice ovlašteno za zastupanje subjekta je Alihodžić Sejad, bez ograničenja, koji je dao Punomoć kojom opunomoćuje Nihada Bešliju iz Ilijaša da može u njegovo ime i za račun preuzeti sljedeće radnje:

Podnijeti aplikacije za tender, kao i potpisati izjave i ugovor koji su sastavni dio tendera, kao predstavnik firme, izvršiti uvid u tendersku dokumentaciju, te da se punomoć izdaje do završetka procesa.

Ugovorni organ u cijelosti pobija gore navedene propuste.

ŽALBENI NAVODI NA PONUDU PONUĐAČA T&A AUTO“ d.o.o. Visoko

“Drugi ponuđač „T&A AUTO“ d.o.o. Visoko, također nema aktivnu legitimaciju, obzirom da se prednje navedeni ponuđač ne bavi predmetnom nabavkom, već se bavi trgovinom automobila i motornih vozila lake kategorije, automobili nisu predmet nabavke.“

Navod iz žalbe nije osnovan, iz razloga što Ponuđač T&A AUTO“ d.o.o. Visoko je u svojoj ponudi dostavio ovjeren Aktuelni izvod iz sudskog registra br. 043-0-RegZ-22-002743 od 13.10.2022. godine, izdate od Općinskog suda u Zenici u kojoj su navedene sve djelatnosti subjekta upisa - u unutrašnjem prometu koje obuhvataju i različite vrste Trgovine na veliko i malo.

Dalje također žalitelj ističe „Isti nije dostavio članove 45 i 52 Zakona o javnim nabavkama BiH u skladu sa zahtjevanim predmetnom nabavkom, odnosno u izjavama nije upisan ispravan naziv

predmetne nabavke, a kako je napisano tenderskom dokumentacijom i obavještenjem o nabavci objavljeno na portalu javnih nabavki.

Ugovorni organ uvidom u ponudu ponuđača „T&A“ d.o.o. Visoko, ne osporava žalbu u dijelu upisivanja tačnog naziva javne nabavke, jer ponuđač nije upisao tačan naziv u skladu sa zahtjevanim predmetom javne nabavke.

Dalje žaljielj osporava “Obrazac izjave o prihvatanju općih i posebnih uslova tenderskom dokumentacijom, nije popunjena u skladu sa predmetnom tenderskom dokumentacijom, iz razloga što nije upisan ispravan naziv javne nabavke.”

Ugovorni organ uvidom u ponudu ponuđača „T&A“ d.o.o. Visoko, ne osporava žalbu u dijelu upisivanja tačnog naziva javne nabavke, jer ponuđač nije upisao tačan naziv u skladu sa zahtijevanim predmetom javne nabavke.

Ugovorni organ nije pravilno ocijenio ponude ponuđača „T&A AUTO“ d.o.o. Visoko i „Ezio Inox“ d.o.o. Ilijaš, dok ostale navode ugovorni organ osporava u cijelosti.

Imajući u vidu prethodne navode a zbog činjenice da je postupak javne nabavke strogo formalan postupak i da svaki nedostatak predstavlja osnov za odbacivanje ponuda sa nedostatkom, uložena žalba ponuđača „PENNY plus“ d.o.o. Sarajevo se usvaja kao djelomično osnovana, te se ponude ponuđača „EZIO INOX“ d.o.o. Ilijaš i T&A AUTO“ odbacuju iz razloga neusklađenosti sa uslovima tenderske dokumentacije.

Ponuda žalioca „Penny plus“ d.o.o. Sarajevo javne nabavke „Unaprjeđenje komunalne infrastrukture kroz nabavku HDPE kanti za selektivno prikupljanje/odlaganje otpada kapaciteta 120l , premašuje planirana sredstva Ugovornog organa te ista ne može biti prihvatljiva.

Na osnovu prezentiranih činjenica ugovorni organ je ocijenio da su sve ponude neprihvatljive u smislu člana 69. stav 2 tačka d) Zakona o javnim nabavkama čime se okončava postupak javne nabavke iz razloga što ni jedna od primljenih ponuda nije prihvatljiva.

Imajući u vidu sve navedeno, ugovorni organ je sve pristigle ponude odbacio kao neprihvatljive, te se u skladu sa Zakonom o javnim nabavkama BiH donio odluku kao u dispozitivu.

Uputstvo o pravnom lijeku

Protiv ove odluke može se podnijeti žalba Ugovornom organu u dovoljnom broju primjeraka koji ne može biti manji od 3 (tri) u roku od 5 (pet) dana od dana prijema Odluke.

Dostaviti:

1x Učesnicima u postupku Javne nabavke

1x Web stranica ugovornog organa

1x a/a

V.D. Direktor
Ermin Likić, dipl.ing.maš.

